

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին **16.11.2023թ. թիվ 2317434779** որոշումն անփոփոխ թողնելու, իսկ **16.11.2023թ. 2317434780** որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<08>> 01 2024թ. 7-13- 45

ք. Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Արման Բզնունու ՄԴ/110156-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արման Բզնունին (**ծանուցման հասցե՝ քաղաք Երևան, Ավան վարչական շրջան, Սայաթ-Նովա թաղամաս, 7 շենք, 35 բնակարան**) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2317434779, 2317434780 որոշումներից մեկը՝ նշելով, որ որոշումները կայացվել են նույն իրավախախտման համար:

<<Վարչարարության հիմունքների և վարչական վարույթի մասին>> օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Ճանապարհային ոստիկանության 16.11.2023թ. թիվ 2317434779, 2317434780 որոշումների հիմքերում դրված տեսանյութերը փաստում են, որ դիմումատուն ենթարկվել է վարչական պատասխանատվության 5.15.1՝ <<Երթևեկության ուղղությունները գոտիներով>> ճանապարհային նշանի պահանջը խախտելու համար: Նշված իրավախախտումն արձանագրվել է 02.11.2023թ. ժամը 14:22-ին Երևան քաղաքի Շիրակ-Արտաշիսյան փողոցների խաչմերուկի հատվածում:

Համադրելով, Ճանապարհային ոստիկանության վարչական տույժ նշանակելու մասին թիվ 2317434779, 2317434780 որոշումների տեսանյութերը՝ ակնհայտ է դառնում, որ թիվ 2317434780 որոշումը կայացվել է տեխնիկական վրիպակի արդյունքում:

Այսպիսով, վարչական վարույթի ընթացքում հիմնավորվել է, որ վարչական տույժ նշանակելու մասին թիվ 2317434780 որոշումը ենթակա է բեկանման:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 8-րդ կետով, և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին **թիվ 2317434780** որոշումը բեկանել և վարչական իրավախախտման վերաբերյալ գործի վարույթը կարճել.
2. Ճանապարհային ոստիկանության վարչական տույժ նշանակելու մասին **թիվ 2317434779** որոշումը թողնել անփոփոխ, իսկ վարչական բողոքը՝ դրան վերաբերող մասով առանց բավարարման.
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
4. Սույն որոշման օրինակն ուղարկել Արման Բզնունուն:

կատարող Ա. Ղափլանյան
հեռ. 011-54-47-83

